

# *Kerjasama Digi, MDEC bantu PKS*

**Kuala Lumpur:** Digi dan Perbadanan Ekonomi Digital Malaysia (MDEC) memperkenalkan Program Digitalisasi Berterusan Perniagaan (BCD) yang disasar membantu perusahaan kecil dan sederhana (PKS) bagi menangani impak Covid-19.

Dengan siri aktiviti dirancang sepanjang tahun ini, Program BCD akan menumpukan kepada mempersiapkan PKS dengan pengetahuan tepat bagi merealisasikan manfaat digitalisasi selain menggunakan pakai peralatan digital dan rumusan bagi melancarkan urusan perniagaan mereka.

Ketua Pegawai Digital Digi, Praveen Rajan berkata, Perintah Kawalan Pergerakan (PKP) mendorong banyak PKS menggunakan pakai kaedah digital untuk kekal beroperasi.

Katanya, melalui BCD, Digi mempelawa lebih ramai PKS memanfaatkan geran yang ditawarkan bagi menguruskan perniagaan secara dalam talian.

“Apa yang kami harapkan menerusi Program BCD ialah membantu PKS menyesuaikan diri dalam pe-



**PRAVEEN**

rubahan landskap norma baharu.

“Dalam tempoh ini, Digi kekal fokus dalam melindungi pelanggan dan kaki tangan, selain mengekalkan usaha berterusan digitalisasi untuk kesinambungan perniagaan,” katanya kepada Bisnes Metro.

Praveen berkata, BCD ini merangkumi siri webinar percuma dan bengkel secara dalam talian yang menumpukan kepada bidang kritikal dalam mentransformasi perniagaan digital.